



# ҰЛТ ЗИЯЛЫЛАРЫНЫҢ ҰЯСЫ



ӘОЖ 378  
КБЖ 74.58  
Ұ 43

Жалпы редакциясын басқарған:  
филология ғылымдарының кандидаты, доцент  
**Темірғали Көпбаев**

Құрастырған әрі жауапты редакторы:  
**Ермахан Шайхыұлы**

**Редакция алқасы:**

С. Қозыбаев  
Н. Омашев  
К. Қамзин  
Л. Ахметова  
С. Медеубекұлы  
С. Жұмабекұлы  
А. Рамазан  
Г. Сұлтанбаева  
Н. Шыңғысова  
Д. Смайыл  
О. Ошанова  
Ғ. Майкотова

Ұ 43 «Ұлт зиялыларының ұясы». – Алматы: Әл-Фараби атындағы ҚазҰУ, 2024. – 396 бет.

ISBN 978-601-7807-05-4

*Әл-Фараби атындағы Қазақ ұлттық университетінің 90 жылдық мерейтойына орай жарық көріп отырған бұл жинаққа оқу орны мен факультет тарихы, алғашқы ұстаздардың өмірі мен шығармашылығына қатысты мұрағаттық деректер, суреттер һәм мақалалар топтастырылды. Сондай-ақ журналистика факультетінде білім алған түлектердің жеткен жетістіктері мен алған марапаттары және олардың айтқан әзіл-қалжыңдары да енгізілді.*

*Кітап студенттерге, магистранттарға, докторанттарға, журналистерге және жалпы оқырман қауымға арналған.*

ӘОЖ 378  
КБЖ 74.58

ISBN 978-601-7807-05-4

© Әл-Фараби атындағы ҚазҰУ, 2024

**Темірғали Мұратбекұлы КӨПБАЕВ,**  
*Журналистика факультетінің деканы*

## ФАКУЛЬТЕТ ӨРКЕНДЕП КЕЛЕДІ



Республикамыздағы жоғары оқу орындарының көшбасшысы саналатын Әл-Фараби атындағы Қазақ ұлттық зерттеу университеті 90 жылдық мерейлі мерекесін атап өтуге кірісті. Өзінің қалыптасу тарихын 1934 жылы ашылған ҚазКЖИ-ден бастайтын журналистика факультеті де тоқсан жыл бойы тұңғыш университетпен біте қайнасып, бірге тыныстап, бірге дамып, өркендеп келеді. Осы уақыт аралығында сан мыңдаған көсемсөзші қауымын білім нәрімен сусындатып, қанаттандырып шығарған журналистика факультетінің де ұлт мақтанышы университеттің толағай табыстарына қосқан үлесі комақты.

ҚазҰУ-дің журналистика факультеті – республикадағы нағыз кәсіби журналистерді дайындап шығаратын білім-ғылым атты көш-керуеннің алдында жүрген оқу орны. 90 жылдық тарихы бар білім ордасында қазақ руханиятының небір алыптары дәріс оқып, маман дайындаудың ғылыми-әдістемелік дәстүрі мен бай тәжірибесін қалыптастырды. Қазіргі таңда Қазақстандағы журналистер дайындаудағы материалдық техникалық базасы бүгінгі күн талаптарына толығынан жауап беретін бірден-бір оқу орны біздің факультет деп нық сеніммен айтуға болады. Еліміздегі журналистика саласындағы ғылыми-зерттеу мектебін қалыптастырған – ҚазҰУ-дің журналистика факультеті. Мұнда қазақ журналистикасы мен әлем журналистикасы тарихын зерттеудің кезінде профессор Қайыржан Бекхожин негізін қалаған, бүгінде ҚР Журналистика академиясының президенті, профессор Сағымбай Қабашұлы Қозыбаев жалғастырып, дамытып отырған ғылыми мектебі қалыптасқан. Факультеттегі қазақ журналистикасының теориясы мен тәжірибесін зерттеу ісін жалғастырған Т.С. Амандосов мектебінің ғалымдар тобы бүгінде мемлекеттік іргелі және қолданбалы бағдарламалар аясында кешенді зерттеулер жүргізуде. Профессор К. Хамзин, профессор Л. Ахметова, профессор Б. Жақып, доцент С. Медеубек тағы басқалар – осы өркенді мектептен өніп шыққан қабырғалы ғалымдар. Т. Қожакеев мектебінің ғылыми жетістіктері қатарында сатира теориясы мен практикасы салаларына арналған зерттеулердің қорытындыларын да атап өтуге болады. Ал, журналистикаға байланысты зерттеу мектебінің нәтижелерін ары қарай дамытып алып келе жатқан профессор А. Рамазан, профессор Г. Сұлтанбаева, профессор Н. Шыңғысова, доцент М. Негізбаева т.б. қазіргі қазақ көсемсөзін зерттеуге арналған еңбектері бүгінде рейтингісі жоғары басылымдарда жариялануда. Теле-радиожурналистиканы зерттеу ілімі мектебінің негізін әлемдік деңгейдегі көрнекті ғалым, профессор М. Барманқұлов пен профес-

сор Н. Омашев қалыптастырды. М. Барманқұлов – тек тележурналистика ғана емес, бұқаралық ақпарат құралдарының теориялық және практикалық мәселелері бойынша салыстырмалы зерттеудің негізін қалаған ғалым. Оның интернет журналистика туралы ой-пікірлері, халықаралық журналистика туралы мәнді толғамдары бүгінде өз өміршеңдігін дәлелдеп отыр.

Қазақ тележурналистикасының болашағы зор деп болжап кеткен ғалымның қазақ және шетел журналистикасы жайлы кең өрісті зерттеулері шәкірттері – профессорлар Ғ. Ыбраева, С. Барлыбаева, доценттер Е. Дудинова, Қ. Мысаева, Ә. Әлжанова т.б. еңбектерінен жалғасын табуда. Аталмыш ғалымдар қазіргі күнде қазақ журналистикалық ілімінің әлемдік деңгейге көтерілуіне елеулі үлес қосуда. М. Барманқұлов бағдарлаған мәселелерді қазақ журналистикасының өрісінен өрбітіп, оны ғылыми және тәжірибелік ізденістері арқылы байытып келе жатқан ғалымдар қатарында доценттер К. Қабылғазина, Ж. Әбдіжәділқызы, А. Рожков т.б. атауға болады. Жалпы, қазіргі кезде Қазақ ұлттық университетінің даңқын жайған атақты ғалымдар қалыптастырған мектептердегі ізбасарлар өз бағыт-бағдарын жаңа заман талабына сай жаңғыртып, жаңартып одан әрі дамыту үстінде. Бүгінде факультетте Әл-Фараби атындағы ҚазҰУ-дың зерттеу университетіне айналудына орай ғылыми зерттеулерді дамытуды оңтайландыруға байланысты университеттік инфрақұрылымдарды ірілендірудің нәтижесінде бұрынғы шағын-шағын 7 кафедраның орнына кеңейтілген үш кафедра: Баспасөз және электрондық БАҚ кафедрасы (*меңгерушісі с.ғ.д., профессор Гүлмира Сұлтанбаева*), ЮНЕСКО-ның журналистика және коммуникация кафедрасы (*меңгерушісі ф.ғ.д., профессор Назгүл Шыңғысова*), Баспагерлік-редакторлық және дизайнерлік өнер кафедрасы (*меңгерушісі ф.ғ.д., профессор Айгүл Рамазан*) және М. Барманқұлов атындағы теле-радиокешені құрылды.

Қазақ ұлттық университеті Қазақстанда алғашқы болып Кембридж, Оксфорд оқу бағдармаларына сәйкес келетін эксперименттік оқу бағдармаларына көшті. Осыған орай Болон үдерісіне сәйкес «Журналистика» мамандығы бойынша үш сатылы білім беру бағдарламалары білім алушыға жеке білім беру траекториясы құзиреттілігі бойынша жаңадан қаралып, студенттің белгілі бір сала бойынша ма-

манданып шығуына қарай орайластырып жасалды. Журналистика мамандығы бойынша мамандану тележурналистика, радиожурналистика, фотожурналистика, интернет-журналистика салаланған білім беру бағдарламалары оқу үдерісіне енгізілді.

Былтырғы оқу жылына талапкерлерді қабылдау да нәтижелі болғанын атап өтуге болады. Республика бойынша журналистика мамандығына бөлінген мемлекеттік гранттың басым көпшілігін біз алдық. Республика бойынша журналистер көптеген оқу орнында дайындалатынын ескерсек, мұны да жетістігіміздің біріне санаймыз.

Факультет кешегі К. Қазыбаев, К. Сейтжанов, С. Байжанов, Б. Қыдырбекұлы, С. Берлікұлов, А. Сейдімбек т.б. түлектері мен бүгінгі қазақ журналистикасы мен ақпараттық өрісінің өркен жаюына өлшеусіз үлес қосып жүрген М. Құл-Мұхаммед, С. Абдрахманов, Н. Мұхаметжанова, Н. Жүсіп, С. Ибраим, М. Тоқашбаев, С. Жанболат, Е. Бекхожин, А. Байтасов т.б. қалай мақтан тұтса, ертеңгі мақтан тұтарлар осынау жас талаптардан шығарына күмән жоқ.

Жалпы, білім беру мен бәсекеге қабілетті маман дайындаудың алғы шарты оқытушы мен үйретушіге тығыз байланысты дейтін болсақ, бүгінгі күнде факультетте 28 ғылым докторы, 42 ғылым кандидаты еңбек етеді.

Бүгінде жалпы «Журналистика» мамандығы бойынша 30-дан астам бұқаралық ақпарат құралдарымен келісімшарт жасалса, біздің студенттер бірінші курстан бастап практикалық тәжірибесін аталмыш орындарда, келісімшарттар бойынша өткізуде. Факультетте жыл сайын жас журналистердің Республикалық байқауы өткізіліп тұрады. Журналистика мамандығын таңдайтын талапкерлермен жұмыс – Баспасөз және электронды БАҚ кафедрасының кәсіби бағдарлау жұмысының басты мақсаты.

Факультет «Қоғаммен байланыс» мамандығында білім алушылар үшін 40-қа таяу баспасөз клубтары, мелекеттік мекемелер мен кәсіпорындар баспасөз қызметі мен ЖШС баспасөз орталықтарымен, бұқаралық ақпарат құралдарымен келісімшарттар жасап, студенттердің тәжірибеден өтуіне мол мүмкіндіктер тудырып отыр.

«Баспа ісі» және «Дизайн» мамандығы бойынша студенттерге білім беру 1998 жылы елімізде тұңғыш рет дүниеге келді. Осы уақытқа дейінгі аралықта

оқыту мен тәжірибені жетілдіру жолында біршама оңтайлы істер жүзеге асырылды. Баспа ісі мамандығы бойынша ғылыми-зерттеу зертханасы ашылды, онда жапон, поляк баспагерлері дәріс оқып, шетелдік жаңа технологиялар арқылы тәжірибелік сабақтар өткізуде.

ҚазҰУ-ге жыл сайын 150-ден астам атақты ғалымдар келіп дәріс оқитын болса, соңғы үш жылда біздің факультетте 30-дан астам шет елдік ғалым-профессорлар дәріс оқыды. Академиялық ұтқырлық бағдарламасы бойынша факультеттің 42 студенті АҚШ, Польша, Түркия, Испания, Португалия елдерінде бір семестр білім алды. Қорыта айтқанда, факультет ұжымы ардың ісін арқалайтын азаматтар тәрбиелеу – ар-ұжданның ісі екенін азаматтық болымысымен түсінетіндігіне сенімім мол.

Факультеттің профессорлық-оқытушылық құрамы университеттің қоғамдық және оқу-тәрбие, ғылыми өміріне белсенді қатысады.

Баспасөз бен электронды БАҚ-тың, ақпараттық агенттіктердің, жаңа медианың мамандарын даярлаумен айналысатын факультет оқыту және ғылыми зерттеулер орталығы болып саналады. М. Барманқұлов атындағы Телерадиокешеннің қолдауымен факультет базасында «Әл-Фараби» студенттік телеарнасы, «Әл-Фараби» радиосы және «Фотожурналист» студенттік фотолабораториясы жұмыс істейді.

Болон процесіне сәйкес «Журналистика» мамандығы бойынша үш деңгейлі білім беру бағдарламалары жеке білім беру траекториясына қойылатын Күзиретті талаптар шеңберінде әзірленді. Оқу процесіне бірнеше білім беру бағдарламалары енгізілді: журналистика, интернет журналистика, бұқаралық коммуникация модельдері, электрондық журналистика, журналистикадағы жаңа технологиялар, ақпараттық саясат. Магистратурада «Халықаралық журналистика» мамандығы бойынша қос дипломды білім беру бағдарламаларын құру; «Қоғаммен байланыс» мамандығы саласында оқытудың инновациялық цифрлық және интерактивті технологияларын әзірлеу және оқу процесіне енгізу.

Магистранттар мен PhD докторларын даярлау шеңберінде АҚШ, Ресей, Австралия, Германия, Польша, Швеция ғалымдарымен тағылымдамалар, тренингтер, шеберлік сыныптары өткізіледі.

Факультет студенттері мен магистранттары дәрістерді тыңдауға және шетелдік профессорлардан

практикалық дағдыларды игеруге мүмкіндік алады. 2019–2023 жылдары «Шетелдік ғалымдарды тарту» бағдарламасы аясында 40-қа жуық шетелдік профессорлар жұмыс істеді және дәрістер оқыды.

Факультеттің профессор-оқытушылар құрамы ҚР БҒМ-нің 2012–2025 жылдарға арналған іргелі және қолданбалы зерттеулерін гранттық қаржыландыру бағдарламалары бойынша жұмыс жүргізуде. 2013 жылы алғаш рет ғылыми жоба аясында Баспасөз және электрондық БАҚ кафедрасының студенттерінен құралған «Қазақ елі» ғылыми экспедициясы Қызылорда, Маңғыстау және Семей өңірлерінде зерттеулер жүргізді.

2013 жылы серпінді жоба негізінде факультетте «ЖурфакKZ» сайты ашылды. «WIKIBilim» халықаралық ҚҚ қолдауымен Баспасөз және электрондық БАҚ кафедрасында студенттік бизнес инкубатор құрылды, онда студенттер Қазақша Уикипедия жобаларын жүзеге асырады. Кафедра жанынан «Медиасфера» гуманитарлық зерттеу ғылыми орталығы құрылды, ол докторанттарды, магистранттар мен студенттерді ғылыми зерттеулер жүргізуге және ғылыми іс-шараларды, экспедицияларды, Журналистика және коммуникация мектептерін ұйымдастыруға және оларға қатысуға тартуға, сондай-ақ ғылыми ізденістермен өздерінің теориялық білімдерін жетілдіруге мүмкіндік берді.

Әл-Фараби атындағы ҚазҰУ-дың серпінді жобалары ретінде Баспасөз және электрондық БАҚ кафедрасының «Мобильді репортер» жобасын атап өтуге болады. Университеттің ғылыми және білім беру жетістіктерін жариялау мақсатында факультетте «Әл-Фараби» арнасы мен студенттік жаңалықтар қызметінің радиосы жұмыс істейді. ҚР-дағы БҰҰ Ақпараттық Бюросының қолдауымен студенттерге қазақ тілінде БҰҰ радиосында жаңалықтар жүргізуге және ЮНЕСКО журналистикасының үлгілері туралы оқу-әдістемелік құралдарға дауыс беруге мүмкіндік туды.

Студенттік клубтар жұмысының негізгі бағыттары тәрбиелік мәнге ие, оның ішінде «Сана» пікірталас клубы, «Тележурналист» зертханасы және т. б. бар.

Факультеттегі кәсіптік бағдар беру жұмысының негізгі міндеті – «Журналистика» мамандығын таңдайтын талапкерлермен жұмыс жасау. Жыл сайын өткізілетін «Журналист болғың келе ме?» «Жас

тілшілер» республикалық форумына айналды, ал «Жас репортер» байқауы шығармашылық талапкерге мультимедиа саласындағы қажетті мамандықты таңдауға мүмкіндік береді.

Факультет БҰҰ, ЕҚЫҰ және ЮНЕСКО-ның Қазақстандағы өкілдіктерімен, Сорос – Қазақстан қорымен, Еуразия, Айрекс, Фулбрайт қорының өңірлік өкілдігімен, журналистика факультеттері оқытушыларының американдық қауымдастығымен, АҚШ, Түркия, Қытай, Ресей және т.б. ақпарат агенттіктерімен, Қазақстан мен шет елдердің жарнама агенттіктерімен және компанияларымен белсенді байланыста жұмыс істейді.

Стратегиялық тұрғыдан алғанда, факультеттің оқу-әдістемелік, ғылыми-зерттеу және тәрбие жұмысы Қазақстан Республикасы Президентінің ғылым саласында белгілеген басты бағдарларын іске асыруға және БАҚ нарығы үшін жоғары білікті және сапалы мамандар даярлауға бағытталған.

Журналистика факультеті 90 жылдан бері отандық идеология саласының озық қайраткерлерін қанаттандырып, тәрбиелеп келді. Бүгінгі таңда тәуелсіз еліміздің интеллектуалдық әлеуетін дамыту мен қоғамдық сананы байыту жолында факультет атқарып отырған міндеттердің маңызы мен мәні өте жоғары.





Баспагерлік-редакторлық және дизайнерлік өнер кафедрасының аға оқытушысы, ф.ғ.к. **КӨПБАЕВ ТЕМІРҒАЛИ МҰРАТБЕКҰЛЫ** факультетіміздің 1988 жылғы түлегі.

Ақын, журналист, ғалым, баспагер, Әл-Фараби атындағы Қазақ ұлттық университеті Журналистика факультетінің деканы, Қазақстан Жазушылар одағының мүшесі, филология ғылымдарының кандидаты, Халықаралық «Алаш» әдеби сыйлығының лауреаты, «Құрмет» орденінің иегері, Халықаралық Ақпараттандыру академиясының академигі, Қазақ журналистикасының қайраткері, Төлеби ауданының құрметті азаматы Темірғали Көпбаев 1962 жылы 7 ақпанда Түркістан облысы, Төле би ауданы, Аққұм ауылында дүниеге келген.

1980 жылы сол ауылдағы Құрасбек Тыныбеков атындағы орта мектепті үздік бітірді. 7-8 сыныптарда (1976–1978) Түркістан қаласындағы Саттар Ерубаяев атындағы мектеп-интернатта білім алды. 1992 жылы Әл-Фараби атындағы Қазақ ұлттық университетінің журналистика факультетін, 2005 жылы Орта Азия университетінің заң факультетін тамамдаған.

Темірғали Көпбаев – көп жылдар бойы республикалық басылымдарда журналистік қызмет атқарған танымал қаламгер. Ол «Төле би туы», «Қазақстан пионері», «Жас қазақ» газеттерінде, «Қазақ университеті», «Санат», «Қазығұрт» баспаларында, Әл-Фараби атындағы ҚазҰУ-дың журналистика факультетінде жауапты қызметтер атқара жүріп, еліміздің қоғамдық өміріне белсене араласты.

Темірғали өзінің журналистік-публицистік қызметін 1985 жылы республикалық «Қазақстан пионері» газетінің тілшісі ретінде бастады. 1986 жылы Түркістан облысы, Төле би аудандық «Төле би туы» газетіне қызметке барды. Газеттің партия тұрмысы бөлімін басқарды. Газет редакторының орынбасары болды.

1990 жылдың күзінде Темірғали Алматыға қайта оралып, «Қазақ университеті» баспасына редакторлық қызметке орналасты. Жетекші редактор ретінде көптеген ғалымдардың оқулықтары мен ғылыми монографияларын редакциялады. Терең мазмұнды рецензиялар жазды.

1992 жылы республикалық әдеби-қоғамдық «Жас қазақ» апталығына ауысқан кәсіпқой маман газеттің

бөлім меңгерушісі, жауапты хатшысы болды. Бұл басылымда да Темірғалидың әдебиет пен мәдениетке байланысты көптеген мақалалары жарық көрді.

Қаламы қарымды журналист бүгінгі күнге дейін республикалық басылым беттерінде қоғамдағы өзекті мәселелер туралы ой қозғап келеді.

Темірғали Көпбаевтың әдеби-шығармашылық қызметі ерекше тоқталуды қажет етеді. Оның қаламынан шыққан «Көзмоншақ», «Жаңғырық», «Кие», «Оңтүстік», «Аңсар», «Даналық тәпсірі», «Аққұмда оянған арман» атты жыр жинақтары, «Қарапайым пайымдар», «Жылдар жылжып барады» атты эсселер жинақтары, «Сабан ақша» атты әңгімелер мен повестер жинағы, «Қазақ радиодраматургиясы» атты ғылыми монографиясы, «Екі томдық шығармалар жинағы», республикалық БАҚ-та жарияланған көптеген мақалалары жоғарыда айтылған оймызды дәлелдей түседі. Ақынның өлендері бірнеше поэзиялық антологияларға енді.

Темірғали Көпбаевтың ғылыми-педагогикалық қызметі де атап айтарлықтай. Ол 1994 жылдың басында арнайы шақырумен Әл-Фараби атындағы ҚазҰУ-дың журналистика факультетіндегі радиожурналистика кафедрасына аға оқытушы болып ауысты. Осы кезден бастап журналистиканың теориясы мен тәжірибесіне байланысты ғылыми зерттеу еңбегімен айналысты. 1998 жылдың 30 маусымында «Қазақ радиодраматургиясының табиғаты мен ұлттық сипаты» деген тақырыпта кандидаттық диссертация қорғады. Ғалымның бұл зерттеуі 2007 жылы «Қазақ радиодраматургиясы» атты жеке ғылыми монография болып шықты.

1997–2000 жылдар аралығында Темірғали Көпбаев Радиожурналистика кафедрасының меңгерушісі қызметін атқарды. 1999 жылы тәжірибе алмасу бағдарламасы бойынша АҚШ-тың Оклахома мемлекеттік университетінде бір семестрлік профессорлық тағлымдамадан өтті. Тәжірибелі ғалым бүгінгі күнде Әл-Фараби атындағы ҚазҰУ Журналистика факультетінің деканы қызметін атқаруда.

Темірғали Көпбаев 2001 жылдан бастап баспагерлік қызметке кірісті. Ол көрнекті ақын-жазушылар мен ғалымдардың көп томдықтарын шығаруға бағытталған Алматы қаласындағы «Қазығұрт» баспа-корпорациясының президенті. Танымал редактор, баспагердің тәуелсіз Қазақстандағы баспа және кітап шығару ісін дамытуға қосқан үлесі аса зор.

Темірғали Көпбаев басшылық ететін «Қазығұрт» баспасы көптеген игілікті шаралар атқарып, қазақ руханиятына өлшеусіз үлес қосып келеді. Халқымызға кеңінен танымал қаламгерлердің әдеби мұраларын «Көп томдықтар», «Мемлекеттік сыйлықтың иегерлері», «Президент сыйлығының иегерлері», «Ұстаздар кітапханасы», «Тәуелсіздік толғаулары» серияларымен оқырман қауымға жеткізді. Атап айтқанда Ж.Жабаев, С.Сейфуллин, Б.Майлин, І.Жансүгіров, Т.Рысқұлов, С.Мұқанов, Х.Ерғалиев, Д.Әбілев, Н.Байғанин, С.Қирабаев, Р.Бердібай, М.Әлімбаев, Ә.Нұршайықов, Ғ.Қайырбеков, Т.Әбдірахманқызы, Ғ.Орманов, Ә.Нұрпейісов, М.Мырзахметұлы, Ш.Елеуқенов, Т.Кәкішев, Ж.Нәжімеденов, М.Айтхожа, А.Сүлейменов, О.Әубәкіров, С.Жүнісов, Қ.Мырза Әли, Т.Молдағалиев, Ш.Мұртаза, Қ.Жұмаділов, К.Смайылов, А.Әшімұлы, И.Сапарбай, Ұ.Есдәулет, М.Байғұт т.б. көп томдықтары жарыққа шықты.

«Қазығұрт» баспасы сапалы шығарған кітаптары үшін Мәдениет министрлігінің арнаулы дипломдарымен бірнеше рет марапатталды. «Жылдың ең үздік кітабы» республикалық байқауының бірнеше дүркін жеңімпазы атанды. Баспа Германияда, Ресейде, Түркіменстанда және Алматыда өткен кітап жәрмеңкелеріне қатысты. Бүгінгі күнде «Қазығұрт» баспасы көп томдықтар шығаратын негізгі баспа ретінде республика жұртшылығына кеңінен танымал.

Темірғали Көпбаев атқарған қызметі мен қазақ руханиятына қосқан еңбегі әрдайым лайықты деңгейде бағаланып келеді. Көптеген сыйлықтардың иегері ретінде қалың жұртшылыққа белгілі. «Ерен еңбегі үшін» медалі мен «Құрмет» ордені секілді мемлекеттік наградалармен марапатталған. Сондай-ақ 2002 жылы Халықаралық «Азамат» сыйлығының иегері, 2012 жылы Халықаралық «Алаш» әдеби сыйлығының лауреаты, 2020 жылы «Әдебиет саласындағы Михаил Шолохов атындағы медальдің» иегері атанды.

2011 жылы «Қадыр Мырза Әли» медалімен, 2012 жылы «Оңтүстік Қазақстан облысына сіңірген еңбегі үшін» медалімен, 2015 жылы «Кітап мәдениетіне қосқан зор үлесі үшін» медалімен 2019 жылы «Қазақ журналистикасының қайраткері» медалімен, 2020 жылы «Қазақстан халқы Ассамблеясының 25 жылдығы» медалімен марапатталған.

Темірғали Көпбаев – Төле би ауданының құрметті азаматы (2016), Халықаралық Ақпараттандыру академиясының академигі (2019).



Ф.ғ.д., профессор, ҚР ҰҒА корреспондент-мүшесі, **ЖАҚЫП БАУЫРЖАН ӨМІРЖАНҰЛЫ** факультетіміздің 1985 жылғы түлегі.

1963 жылы 1 мамырда Семей облысы, Абай ауданы, Акқора ауылында туған. 1980 жылы Арқат орта мектебін алтын медальмен үздік бітірген. 1985 жылы Алматы қаласындағы Қазақ ұлттық университетінің журналистика факультетін тамамдады.

Еңбек жолын Қазақ теледидарының әдеби-драмалық хабарлар Бас редакциясында редактор, одан кейін «Жалын» кітап баспасында редактор болып бастады.

Қазақ телевизиясының әдеби-драмалық хабарлар Бас редакциясында қызмет атқарған кезінде «Дидар» әдеби телеарнасын, «Халық сазынасы», «Жыр жазамын жүрегімнен», «Сұхбат» хабарларын әзірлеп, жүргізді. «Айтыс» хабарын жасауға қатысты. «Алатау» телеарнасы арқылы «Өлең – сөздің патшасы», «Баспасөзге шолу» циклды хабарларын жүргізді.

1986 жылдан Әл-Фараби атындағы Қазақ ұлттық университетінде оқытушылық қызметте болды. 1986–1988 жылдары – стажер-зерттеуші, 1988–1991 жылдары – ассистент, 1991–1994 жылдары – аға оқытушы, 1994 жылдан бастап доцент. 1995–2001 жылдары деканның оқу ісі жөніндегі орынбасары, журналистік шеберлік және әдеби редакциялау кафедрасының меңгерушісі, баспа ісі кафедрасының меңгерушісі, мерзімді баспасөз кафедрасының меңгерушісі, 2001 жылдан Әл-Фараби атындағы Қазақ ұлттық университеті журналистика факультетінің деканы болды. 2009 жылы «Қазақ энциклопедиясының» Бас директор – Бас редакторы болып тағайындалды.

Бауыржан Жақып 1994 жылы профессор Т. Амандосовтың жетекшілігімен «Мұхтар Әуезов – публицист» атты тақырыпта кандидаттық диссертациясын, 2004 жылы академик З.Қабдоловтың жетекшілігімен «Қазақ публицистикасының қалыпташу, даму жолдары» деген тақырыпта докторлық диссертациясын қорғады. 1997 жылы доцент, 2005 жылы профессор ғылыми атағын алды. Оның ғылыми жұмыстарының негізгі бағыты – қазақ көркем әдебиеті



**ҰЛТ ЗИЯЛЫЛАРЫНЫҢ ҰЯСЫ**  
*Ғылыми-көпшілік басылым*

*Жалпы редакциясын басқарған: Темірғали Кәпбаев  
Құрастырған әрі жауапты редакторы: Ермахан Шайхыұлы  
Көркемдеуші редакторы және беттеуші: Мадина Султанова*

*Кітапта Марат Жүнісбековтің (лақап аты — Мара Вееу) суреттері пайдаланылды*

ISBN 978-601-7807-05-4



9 786017 807054

Басуға 15.01.2024 қол қойылды.  
Пішімі 60x100 7/8. Офсеттік басылым.  
Көлемі 24,8 баспа табақ.  
Таралымы 100 дана. Тапсырыс №25.